

中華民國二十四年元旦

宿遷縣志

余井塘敬題



宿遷縣志

民國二十四年春月出版

宿遷會文齋印刷局承印

宿遷縣志序

方志鄉邑之史也而有與史異趣者史紀述國政下不通於地齊萌俗自典章文物之鉅以逮乎里諺民謠之細并舉畢包莫志若已區畛有限故易於網羅年代未湮故得其翔實舊制卅年一舉修後或有逾此者要不越百禩制度沿革禮儀嬗蛻猶可徵信近紀以來稍放佚矣夫志者教化之寫真人文之縮景今世方亟於中國本位文化之建設鑑往知來倘宜取材於茲若夫矯正風俗斟一禮制固齊民之要術當世之急務而着手所須亡是亦無以資綜覈方志之爲用顧不廣哉蘇省通志之作始自民國七年延馮公煦主其事歷時十載纂輯輒就彙存宿遷縣志

序

未刊十七年省府復有通志編纂會之規議重定義例更易門類以符國體而肇新元茲事體大在再數年迄未卒業頃方在董理仇校中蓋志事若斯之難也而馮公所旁輯宿遷縣志起自遜清光緒元年迄於辛亥光復者先於十三年訖事察其體例猶循舊軌斷自辛亥意以民國志乘付之方來於時代立場固有可議要其採獲詳慎敘述簡樸自足供後此研窮宿邑文獻掌故者之參證史體有編年斷代之分茲編作爲斷代之史觀可也是爲序

江蘇省政府主席

陳果夫

宿遷縣志序

夫政教禮樂風土山川自古莫不載諸簡冊以垂世法故司馬遷曰書班固曰志東觀曰記名稱雖異體制不殊亦猶晉謂之乘楚謂之檮杌魯謂之春秋其義一也溯自墳典而後尚書以迄於漢言史者不外正宗六家歷代相演旁及雜記十品芻蕘之言必擇葑菲之體不棄文籍繁興燦然俱備迨鄭樵氏本歷史例撰爲通志與杜典馬考互有詳略紀事不專繫於一代立言必貫通乎古今遂集志之大成有清之初勅修續三通及皇朝三通併爲九通記述無遺益臻完善各省縣志一本於此綱舉目張極文獻之盛事也

宿遷縣志序

一一

宿遷之有縣志自明萬歷五年始二十四年重修之清代續纂於康熙三年復修於二十二年再修於嘉慶十八年三修於同治十三年迄今又六十一載同治志本亦將散佚無存求其賡續記載政教禮樂風土山川者厥爲馮修志稿矣起光緒元年訖宣統三年察其編列圖表較同治志爲詳記述體例較同治志爲當文詞簡樸猶其餘事稿成於民國十三年藏待付梓適民國十八年春刀匪變亂擾及縣城斯稿云失幸教育局覓自民家視無殘缺呈縣以金市回復珍藏之欲刊而止者屢矣余癸酉歲來宰斯邑慮志乘之散佚無傳也與馬祕書紹中羅科長毅堂謀付棗梨地方人士咸樂成之復慮志乘之難爲其繼

也遂組織文獻委員會專司其事凡本邑耆宿碩彥皆與聘焉
吾嘗謂文獻爲志乘之華志乘爲文獻之實志有所略文有所
詳志有所博古文有所擷新今者政事日繁教化益廣舉凡禮
俗之遞進物質之建設方諸鼎革以前誠不可同日共語則輶
軒所採簡冊所書必十百倍於前代史志體例進而易以科學
方法不徒求詞藻之工抑且求事實之是文獻會諸君子淬勵
斯旨肩荷重任他日續成新志果能博大精深其於社會人羣
裨益更宏然而斯志之刊行上承往昔下啓來茲爲功又豈尠
哉是爲序中華民國二十四年元旦宿遷縣縣長張迺藩

宿遷縣志序

戊午春予有江蘇通志之纂先期敦各縣修新志以爲權輿而應者絕鮮獨宿遷門下士王君果亭以書幣來乞予肩志事黃君伯雨臧君雪樓復堅以爲請遂不獲辭其酌斟義例甄采事實皆果亭任之所據本爲同治李志主之者爲陽湖方駿謨元徵一同徐州府志紀表志傳儕於國史陳義甚高或有陵越今之所纂竊取山陽魯一同氏邳州南清河二志之例其目次亦有不盡合於魯氏者進山川於營建之上則地之所形一則人之所規也躋古蹟於營建之後今昔雖殊其爲營建一也予年越八十神識頽沮日親鉛槧不越數小時刪蕪補漏斷自一

宿遷縣志

序

一

手稿凡四五易旁無助者又規畫省志耑緒糾紛以其餘力及之辛酉壬戌間吾蘇滂者五十餘縣予強起事振恤宵旰靡間茲事綴者且兩歲至今年四月始得卒業而果亭已於癸亥四月沒於江寧墓草且宿不獲一觀是志之成思之絕痛屬草旣竟迺太息而爲之敍曰大哉王言如綸如綍堯煥以文禹聲以律旣通下情亦宣上德雲漢昭回奉之無斃志宸翰第一我疆我理匪圖曷明仰準天度俯規地形世有沿革亦緯亦經物產以阜土俗以成志疆域第二司吾峨峨萌於岱宗大河旣遷百川自東山谿之險以固提封一卷一勺靈秀亦鍾志山川第三三里五里屹爲雄州官府治明壇廟治幽經乎郊鄙以達四陲

芸芸萃處式壯其猶志營建第四麥秀殷虛棠甘召憩歌哭所
聚釣游所繫激發善懷懲創佚志念茲在茲庶毋失隊志古蹟
第五民天唯食經國所先古有三征今一條鞭旱澇代有以恤
以蠲善國之紀來者勉旃志民賦第六富而後教聖有遺訓斷
斷章逢鼓篋以進勿蹈奇袤勿騁疎僂詩刺青衿爲聖所擯志
學校第七庠序勃興登崇俊良達善天下窮則一鄉月存日秩
俾壽而臧上推下逮亦家之慶志選舉第八四戰之國莫先軍
律囂者以靜紛者以一常資守望變捍侵軼效死勿去風烈無
匹志兵防第九牧民之責繫於有司百度填委主張綱維孰循
孰酷孰備且尸後有繼者鑑此前規志職官第十十步芳草十

宿遷縣志

序

一一

室忠信儒流揚胎聖塗發軔百代敷歷四行孟晉聞風斯興攀
嵇慕蘭志人物第十一詒孫翼子陰教所刑漆室闕亂降帷授
經崩城爍石貞幹維馨從一之義梟獍其惺志列女第十二匡
謬正譌一得足貴述異有編搜神有記况而下之九流一藝瑣
屑叢殘有舉無廢志雜記第十三凡卷二十目十有三子目六
十有八始其事者縣人王爲毅果亭左之者南清河王泌鄴仙
知縣事會稽嚴型祝三也例得並書甲子五月金壇馮煦時年
八十有二

宿遷縣志修輯姓氏

鑒定

宿遷縣縣長漣水張迺藩後武

總修

前宿遷縣知事紹興嚴型祝三

總纂

清安徽巡撫丙戌科探花金壇馮煦夢華

協纂

清湖南布政使辛卯科舉人邑人黃以霖伯雨

湖北任用道尹清附貢生邑人王為毅果亭

宿遷縣志

修輯姓氏

一一

清壬寅補行庚子辛丑科舉人邑人臧增慶雪樓

分纂

清附生山陽王泌鄴仙

清丁酉科拔貢邳州張鴻鼎象九

清廩貢生邑人陳文質幹臣

校對

清廩貢生邑人蔡鳳翔少涵

參校

宿遷縣政府祕書漣水馬紹中白驊

宿遷縣政府第三科科長邑人羅毅堂致遠

南京前民國法政大學法律本科肄業邑人陸永新 穎生

宿遷師範畢業 業邑人陸振子 元

參訂

清乙酉科拔 貢邑人葉寶樹 人

清癸巳科舉 人邑人陸文椿 壽山

清癸卯科舉 人邑人盧瀚蔭 蘊章

清附貢 生邑人陸承卓 慕顏

清附 生邑人黃以暄 靄塘

收掌

清歲貢 生邑人葉蔚象 衢

宿遷縣志

編輯姓氏

一一

徐州師範本科畢業 業邑人王英阿 陽谷

特別徵訪

清歲貢 生邑人潘訓良 弼山

清歲貢 生邑人龔象衡 子平

清歲貢 生邑人王國賓 少堂

清附 生邑人杜壽祺 韶九

清附 生邑人劉鴻賓 伯衡

法政講習所畢業 業邑人朱瑞鏞 葵笙

徵訪

清附 生邑人王嚴肅 齋

清 廩 生邑人張雲莊 霽卿

清 廩 貢 生邑人陸澍田 雨農

清 附 生邑人羅會莊 魯齋

清 附 生邑人馬如驗 徵遠

清 廩 貢 生邑人汪采蘋 蘭洲

清 附 生邳州閻承謨 午高

清 附 生邑人武冠羣 志超

清 附 生邑人陸承環 象五

清 附 生邑人盧輔清 少堂

清 附 生邳州杲殿啓 耀東

宿遷縣志 修輯姓氏 三一

清 附 生邑人施任賢 莘農

法政講習所畢 業邑人徐朝俊 毅忱

師範畢 業邑人單學中 允執

邑 人陳步雲 子青

邑 人仇行修 以竹

邑 人鄒節軒 勁秋

淮 安王瑞庭

邑 人王汝昌 佩言

邑 人朱金鳴

監刊

宿遷縣政府第三科科長邑人羅毅堂 致遠

宿遷縣志

編輯姓氏

凡例

一同治志記事沿革表當仿景定建康志唯建康志標明以時地人事爲緯故開卷瞭然同治志雖師其意而無人以緯之且沿革統隸分爲二目亦與建康志不合又表中間有志及邳州事者毋亦以曾隸邳州遂連類及之邪今從魯一同氏邳州南清河兩志例歷代順序不復列表類若畫一

一同治志災祥亦附沿革表然建康志雖列時緯後仍列入風土志此條在建康志亦病其複同治志除表中一見外竟未道及蠲恤亦闕入此表未免凌雜今並仿魯氏例附入田賦

一同治志圖略而不備今縣境總圖外增五鄉分圖山圖水道宿遷縣志

凡例

一

圖其縣城縣署文武廟鍾吾書院各圖仍存其舊唯所擬各圖繪者未憑目驗亦未測量合否正不敢知俟能者核正之一同治志山川多仍前志條理未甚明晰今山仿山經水仿水經較有條理唯山有定形水則遷變不常僅恃按圖而索其合否亦不敢知也又舊志所載而圖不具無從詳其源委者或舊河所經蕩爲平陸昔有今無則類載於後

一同治志有河防一目昔視爲要政自銅瓦廂決後大河北徙皆爲陳迹今不列此目而附於山水本條之下廳汎隄壩工程亦附於末

一營建中之圩砦學校中之學堂皆建於近代其公私興廢均

難徵實姑就采訪所有者書之或有疏漏以俟後賢

一同治志民賦經始本朝不及前明今采嘉慶志略存明制以見前代之權與其水旱蠲振及義振義民並附是篇

一學校悉本同治志唯補入從祀先賢先儒及祭器樂章以新學勃興斯文將墜失今不載後將無徵藝文同治志無之今亦補其可知者附於學校之末

一同治志選舉表亦難清晰今科舉外文職附以封贈耆壽鄉飲賓七世同居五世同堂武職附以勳蔭巴圖魯花翎藍翎皆各從其類以紀一鄉之盛

一縣爲四戰之國南北朝最爲兵衝而同治志亦斷自本朝今宿遷縣志凡例
略攷其可見者於序中武職則兼及南北朝本朝亦分爲操防修防駐防三端較爲明晰其驛遞巡警附於上篇歷代兵事及殉粵皖寇之難者附於下篇

一同治志職官表文職參入戍將戍主既不相應武職斷自本朝亦嫌疎脫且表中宿虹同知運河通判淮徐道皆離爲二表不相聯屬淮徐道運河同知各員亦多闕略前序既以治河治民分爲二則大小職官均當以類相從淮徐道治民之官也而入河員之前管河各縣丞主簿又在知縣縣丞之後亦不合今並分別部居不相凌躐且補其所未備者

一同治志人物傳各有子目此自史家通例然賢哲所履不顯

一操以目定之轉難啗合從一統志及魯氏二志例以時代爲後先不立子曰其列傳中之蔡士英久家遼左爲遼人不應列入如康熙志之伍員朱買臣今並從刪

一同治志旌獎表中節婦分三等一節孝二節婦三烈婦以烈女殿焉案凡旌節婦者並曰節孝今離節孝與節婦爲二豈節婦皆於孝有未盡抑皆無舅姑邪同一烈婦烈女然有殉夫者有殉寇者雜糅其中似亦無別今凡殉寇者均附於兵防志殉難諸人之末以義相從而烈婦烈女中只載殉夫者以免混同

一同治志之末爲辨例及修志源流今凡叢殘無可歸者立雜

宿遷縣志

凡例

三一

記一目凡析爲子曰七曰辨譌

即同治志之辨例

日記聞曰方技曰

仙釋曰流厲曰怪異而仍以修志源流終焉

宿遷縣志目錄

卷一 宸翰

卷二 疆域

卷三 山川

卷四 建寘

卷五 古蹟

卷六 民賦上

卷七 民賦下

卷八 學校

卷九 選舉

宿遷縣志

目錄

卷十 兵防上

卷十一 兵防下

卷十二 職官上

卷十三 職官下

卷十四 人物上

卷十五 人物中

卷十六 人物下

卷十七 列女上

卷十八 列女中

卷十九 列女下

卷二十 雜記

宿遷縣志



目錄

宿遷縣志卷一

宸翰志



虞廷喜起載歌南薰爲帝王言詩之始自是而漢之柏梁唐之積翠池並嗣風緝雅煥乎有章我朝右文之治遠抗前載康乾

二聖彌精睿藻南巡屢舉篇什遂滋皆以飭治軫災求民之莫非若穆滿之歌黃竹孝武之詠橫汾也宿遷爲翠華所經凡流覽之作敬弁簡端志宸翰

聖祖仁皇帝御製文

大王廟祭文

宿遷縣志

卷一

宸翰志

二

維康熙二十三年歲次甲子十月癸巳朔越十有九日辛亥皇帝遣孫在豐致祭於金龍四大王之靈曰惟神忠心貫日正氣凌霄奠葑屋之寧居功襄平土挽銀河之激浪力奏安瀾三月春流無恙桃花之水千官扈蹕莫愁瓠子之宮朕念蒼赤之艱難歷黃淮而巡省萬艘飛輓咸有藉乎神庥九曲澄波實遠資夫明德凡此平成之效盡邀默運之靈特遣從官吉蠲用享惟神來格尙其歆鑒

御製詩

自宿遷解纜一日夜達山東境

千里南程幾日回輕舟直下泝滎洄天風更假帆檣便一夕山

東境上來

入江南境

行盡竟東程乍入江南路水潦切痾瘵深心察其故

經邳徐界上

泗水通淮澤坡陀認馬陵經過懷十載戶口幾新增

宿遷

行過江南水與山柳舒花放鳥緝蠻明朝重至邳徐路鳳閣龍

樓計日還

見江南通志新增

高宗純皇帝御製文

阜河龍王廟碑文

宿遷縣志

卷一

宸翰志

一一

我

皇考世宗憲皇帝配 天永命康乂寰區億甯百神丕錫福於

羣黎兆姓方望所及秩祀惟虔越若川澤靈祇默贊元化大庇

生民孚應顯著者咸命有司增飾廟貌用昭崇德報功禮神惠

民之至意江南宿遷縣之阜河廟祀

顯佑通濟昭靈効順黃河之神由來舊矣其地前控大河後臨

運道洪流過波遠近奔匯號爲最險奠厥民居繫神功是賴而

祠宇歲久且圯弗稱祀典爰允河臣之請特發帑金鼎新神廟

經始於雍正五年五月內落成於是年十一月鉅麗崇巖丹碧

輝映於以妥神棲薦禋祀顧答歆享孔惠孔時越乾隆元年十